

## Varna

Karr! Aš jūsa vėlak klausu:  
A dèrvuonā jau prasausa?  
A kas ar kon, a akie,  
A kor nuors kon nuorènt sie?

Jog nasmèrskem če kap grībā:  
Vèini lekam è žvalgyba,  
Vuo kètījē – marš è parka  
Isivestè parkè tvarka!

Vīrā praš uom netriūkšmautė!  
Jūsa rėkals lėzdus krautė.  
Muotrėškas, pasokėt galvas,  
Kuokės būs kiaušokų spalvas.

Karr! Sakau, tėktā nu mūsa  
Prėklausīs a suotė būsma.  
Jums kalu è galvas aš:  
Nieks jums nieka naatneš.

Je mèiguosat, je tingiesat,  
Karr, sakau, badu èšdviesat.  
Vuo je kuožnas dèrbs duorā –  
Garintouju – būs gerā